



100 Joor Sans Gène
Fyrr und Flamme
Bummel
27. Merz 2022

Uss ere Schtund weeniger, mache mer e Schtund mee!

Noodämm mer in dr Nacht zem Bummel e Schtund weeniger am Kopfküssi hänn kenne loose, hämmer is pingtlig am Elfi uff em Petersplatz zem Apéro troffe. By wunderbarem Wätter und de Frooge: «Fir was ha n y e Mantel mitgnoo?» und «Wo isch my Sunnebrille?» kenne mer zämme n aastosse n und is uff e tolle, abwägsligryche Daag freue.



Noo dr Aaschproch vom Maa uss dr Mitti, mit de nötsigschte n Informatione zum Start, hett me none Schtügg Spägg-Gugelhopf kenne schnabbe n und in Richtig Schützesaal im Schützehuus looslaufe.

Dr wunderbaar yygriichtet Schützesaal (mit sage und schreibe numme n aim Fänschter zem Uffmache) isch trotzdem optimal gsi für s Bummelässe. Uff em Tisch hett s denn für alli none Yberraschig in Form vome Jubel-Zündhölzlibriefli gää. Em 100-Joor-OK isch d Yberraschig glunge. E tolli und absolut passendi Idee, eimool mee...

E n amüsants Bildigsprogramm

Noo dr Voorspyys isch dr Bummel-Bildigsdeil loosgange. Gstartet simmer mit Biologie und dr Froog: «Was mache (Muul-wiirf) zwische dr Fasnacht und em Winterschloof? Zämme-fasst: *Si sinn guet informiert und lernfähig, denn noo n em dritte Värs isch au dr Kronlüchter sicher gsi...* Fascht nootloos isch es wytergange mit dämm «;»... Gnau, mer sinn im Dütschunterricht akoo und s «;Semikolon» hett is mit ganz viel «Internas» vom Soggel ghaue. Au wenn gmäss Lexikon e Semikolon e Neutrum isch, ha n y persönlig doo e n anders Gfiil gha. Zämme-fasst: *Wenn y daä verwütsch, wo alli die Informatione n uuse gää hett... ;-)*



Jä, i glaub i spinn

Zwei Mol uf d Fasnacht verachtet au e Bummel hämmer nit gsichtet ass mer dä hit dörfe erlärbe isch wohrhaftig e Säage

Letschte Winter denn ändlig e Hoffnigsschimmer S Drummeli findet statt – aber nit wie immer S wird züglet übere Bach S gab vyl e glaineri Sach E Garderobe muess me sälber sueche Au en Yspüül-Lokal kam e nit bueche E Foyer hyggi au nit denn Jä, i glaub i spinn S erscht Mol, dass i dehai ärschthaft reude S ändet mit: bloos Du mir in d Schueh Wie bringe i, das dr Sans Gène byy Aadie Bolero, fertig und verbyy Verbyy isch nit, verschobe isch korraggt im '24 bringe mer dä Uffdritt und zwor gepflägg Die Kiechli-Wuche ka nit alles sy Mir spüüre s - s isch nit verbyy Gly wüsse mer, ass die Präsekoneranz von unserne Regjirigs-Glöön nur Luft gsi isch – wie d se findsch in Ballöön Richtig hämmer gmacht und au gwunne



Morgestraich, drey Daag Zyschtig und numme Sunne Nit vergässe wämmer unseri 90-jährige Strizzi Unser Nochwuggs, wo mer dörfe stolz sy im Momänt hänn sy e bitz schwyrigi Zyte jetzt bruchts uns *Alli* und mir luege *nir* uf d Syte!

Scho bald dörfe sy an e Grossaloss Mitwirkendi 700 Kinder - e wohre Koloss Wenn Dir dä Aloss wänn vor Ort erlärbe denn am 2. und 3. April dehai im Sässel gliäbe Statt kaufet e Billette fürs Laaferi und giänd dr Nochwuggs unterstüzte Zwei Strizzi-Aamäldige sinn bi de Damboure scho yneko Jä, deruff dien dört zwe uusego sy wäggle jetzt zue uns, ganz schtrammm Eros und Joshua, hätzlig willkomme Schamm Zum Schluss möchte i eifach Danggschön sage: Danggschön für die letschti Zyt, danggschön für e tolli Fasnacht, danggschön für dä wunderbaar Bummel - dr Selina und em Christian speziell

Danggschön an alli für alles und blybet Fyrr und Flamme Patricia

Bummelbagg 2022 ; Semikolon

Fraue, wo-n-e Bagg dien singe, sinn mir e Gruus, vor alle Dinge!
E hochi Stimm und viil Trarab und lueg au no die Hoorfarb aa -
Em Stärnli und em Slash sei Dangg.
Woog yer hit ändlig mol e Bagg!
Das Gendstraich fällt mir guet.
Es git mir eifach biz mee Muert!

1 - 2 - 3 - 4 - 5 - 6 - silbe
Doch - Päch für si - im Juubeljoor,
macht si d Rächtnig ooni dr Majoor!
S wär doch woträug au no nätt,
wenn dr Vortraab hinde n Auge härt!

Y lueg nie rächts, drfür pfyff y lingsg;
Sicher nit inne, wie Kunz und Hinz!
Drfür schliesst uff bis uff d Naaselängi -
Ou! Und daä dert hinde, y glaub, daä kenni.
D Alex und d Patricia
hätte sooo gärn eimol e Reihe kaa!
E Uffstellig isch jo rächt und guet...
wenn nie öbber fähle duert!
Mit dr Strizzi stömmmer yy;
Es isch nit chillig, e Strizzi z yy

Nach langer Vorbereitigs-Zyt wird s mit em Bolero leider nyt.
Am Drummeli, in dr Yspuurschlange, duesch «ylsig» uff dr Ufftritt blange.
Dr Marsch, dä sitzt jetzt felsefescht;
D Froog isch nur: «Welle bringe mir jetzt?»
Dr Schärz, da riefst «Daas isch jo g'steert;
Dä Marsch ha n y no nie ganz g'heert!
Enmol e Solo an dämmi Drummeli,
daas wär s, säugget sich dr Miggeli!
D Brummeliuffschreitig isch zimmlig äng;
Aber d Ladaärne uff dr Büni, nimmet s nit soo schräng!

Voor em Schnabel haiss s «Ystoo»;
S isch halber drey, s will niemer goot!
D Sans Gène, usser Rand und Band:
Jetzt tshinglets dört am Strösserand!
Nur leider kasch gar nit me höre
Die andere Clique die dien stööre

Nur wenig bruchts s und scho bisch amme,
sofort wieder Fyrr und Flamme.
S hänn zwai Schtammylt lang pausiert
Jetzt sinn si zruug, es isch dr Engier!
Derzue kunnt no, es isch dr Hätti:
Si bringe grad vier Strizzi mit.
Nur das Getränge, daas kenne si nit...
Aaber si stim kai Frösch - und trrengge mit!

Vier Strizzi, uik, das git mer z dänge;
Mir hänn jo würdlig nit z verschänge!
Vier Strizzi, sinn 17 Prozant.
Jä: Sinn die Junge bald am Änd?
Nei! Obfraue setze n alles draa,
ass dr Noowuggs kaa n e Chance haa!
Worsch di drvooo überzüüge loo?
Denn muesch näggscht Wuche an s Laaferi go!

E Strizzi froggt sich - zu Corona-Zytte -
«wie schrybt me eigentlig s Wort «Clique»?
Dr Strizzi schrybt und nickt denn zfrüide:
«Y glaub, y ha mi scho entschüide:
Wie me s schrybt, isch, mir doch glych,
in einere z sy, daas macht mi rych!»

Wäg Covid muesch flexibel sy,
s isch e n ainzig's Här und Hii.
Sitzig doo und Sitzig deert,
wieder kai Fasnacht; unerheert!
Und kasch ändlig wieder Uusstagg haa,
trabsch ze Arräsch-Samschttige n aa!

Im Januar die grossi Krise,
s git kai Cortège, dasch zem Schisse.
Dr Vorstand nimmet no e Riccääärli;
Ob's Fasnacht git, schtoot in de Stärnli...
...Ainzig dr Hugo glaubt fescht draa,
«dr Käller wird y offe haa!»
Positiv blybe, waas denn sunscht:
Daas isch e Haltrig und e Kunscht!
Vaudoiaa, Hofnaa, Marsch
Baloiaa:
«Wenn sait denn ain mol düttlig aa?»
Y probiers mol mit em Festiva;
dä pfyft au öbber vornedraa,
dr Copain - wo eh kaine kaa -
isch au e schöne Drummel-
MA...rsch

Sali zämme!



Gly druff abe hett s dr Hauptgang gää. Bevor s Schlag uff Schlag wyter gange n isch. Chemie, Gschicht, Mathe und irgendwo drzwüsche none Dessert...
Dr Chemieunterricht isch gleitet worde vome griene, griene und äh, was isch es jetzt noomool gsi... aaa jä, griene Mitarbeiter uss em Värslabor, dr «Giftspritzli». Mit viil Biss und eme ungläublige Stimmvolume hett äär is syni Värus um d Ohre ghaue. Zämme-fasst: *Wenn dr Giggel gruppt isch, kunnt äär zer Fischer-Bett-waarefabrik in Au-Wädeschwil am Zirtsee...*
Im Gschichtsunterricht hett is d Patricia uff e kurzi Zytrais mitgnoo und hett is in dr Gegewart wider uss em Unterricht erlöö. Zämme-fasst: *Es isch eifach e glatte Hufte und e Subber-Joorgang gsi...!!! Dannges!*
Dr Mathedeil isch im Sälschtschtudium vorgnoo worde n und jede hett d Getränkerrächtnig sälber glööst. Zämme-fasst: *Merlot - Cabernet Sauvignon - CHF 3.--*

Noo n e baar Schtund Fasnachtsluft

Kurz noo de Viere sinn mer denn oobe n am Schpalebäärg ygschfande n und hänn die letschte Säixe simmer denn d Strizzi in dr Innere Margarethestroos go hooole. Zämme mit iine isch s denn Richtig Inneschtadt gange, wo mer geege die Siebeni in d Freie ynegachtoche sinn. Sälte simmer soo schnäll unde n an drigens Zueschauer hett s doch au gha, me hett se eifach miesse im Meer vor root/wyisse Bauschtellelatte sueche. Ändi Freie n isch es denn dirächtig zugg zum Gärbeggässli, wo mer dr Strizzi wider verabschüidet hänn. Vo dert uss isch mer alei wyter - und d Stunde sinn numme soo an is verbygflooge. Kurz vor de n Elfe, jä, mer hänn e Stund mee derfe mache, simmer denn uff em Plätzli im Gärbeggässli akoo.



E n emozionaale n Abschiid

Wie allewyl isch s Tagebuech vom Maa uss dr Mitti uffgeschlage worde n und mer hänn noomool die vergangene Monet verwe passiere loo. E wunderbare Momänt, soo schtill und aadächtig. Me munggelt, ass es doo und dert au e Dräänli gää hett. Noo dr letschte n Aasaag isch mit em Wettstaimarsch d Fasnacht 2022 ängdültig abgchlosse worde.
Schön isch es gsi und irgendwie au mergwürdig, denn noo ere Stund weniger schloofe hänn mer kenne e Stund meh bummle!
Zum Schluss no ebbis in eigener Sach: 32 Daäg und 5 Stund noo n em Bummel goot s in dr Rittergass in alter Frischi wider los...
Christian

Liebs Daagebuech

d'Fasnacht 2022 isch gly verby, drum lad ich d isch hätzlig yyh, mit mir in Erinnerung z'schwäbe und das loor voor em geischtige Aug nomol mit z'erlääbe. Y wird lieber gar kei Salz in offeni Wunde streue und numme schrybe vo schööne Momänt und wo mir is drierer freie. Doch leide gheert nit numme s Schein e draue, s loor mir kei Rueh. Und wird y gar nit drierer schrybbe, glaub mi, s loor mir kei Rueh. S isch Summer 2021 und irgendwie kunnt s mir ganz komisch vor mer gschaltete e Jubelzug, fir unser Jubeljoor. D Idee sprundle, as hätte mer nie ebbis anders gmacht, esch s Fyrr und e FLAMME n in unse entfacht. Doch s Buchgfiil isch no ganz verhalte, was wenn die in dr Regierig d Ample noomool uff «rot» dien schalte? Egaal, die Gedänge kasch grad lo sy, - denn mir steen firnander yy. S Jubel-OK und syni Ressort - alli leichtere fir d Clique e risene n Effort. Doch, daas löön mer doo eifach mol schtoot, wenn d Sans Gène wüssti, waas no alles tolls wird koo... Zruug ze de Fasnachtsvorbereitige, die sinn voll am Laufe. Larveforme abnäh, Tyvek, Filz, Schtoof und Plexi kaufe. Ich glaub, es wird e Mega-Joor. D Fasnacht, d Feschter und s Drummeli drovor. D Bolero e n Experiment vome hegschtrick Klav, zerscht no kepplerisch doch denn Fyrr und e FLAMME... Mer schaffe daas!!! D Arbete n im Käller laufe lingsam ah und die guet Schtimmig wagst, die Meischte glauwe dra, ass mer alles so kenne mache, wie mer s blaue und mer hoffe wyter, ass dr Wind nit kert und so au d Politikerfaane. Doch wie s soo isch, s isch zu Schreye, duet ai Hiobotschaft noo dr andere ins Huus yneschneye. D Fasnacht kenne mer irgendwie anderscht blaue und anschtell vom Musical kunnts Kiechli wider ahne. Jännu so isch es halt koo und mer derfe fir e wyteri Blaang erneut zämme stoh. An Schtell vom Bolero hänn mer uff d Sans-Gène zruug griffe und an Schtell vo billige Juffelgöschdym ins China lo z'verschiffe, hänn mer e klassische Charivari-Ufftritt zelebriert und mit eme Nostalgiebild s Publikum vermert. E tolli Wuche, mit viel wunderbare Momänt, und eme schöne Zwitschfazit am Änd: D Sans Gène bringts sich au 100 Joor mit so Entscheid nit zur wyssye Gluet, fir daas sinn mir z flexibel - jä dä Hufte n isch z guet. E Wuche druff hänn mer is denn zum Yppiffte troffe und do unseri Jubelladäarne bereits in Bearbeitig isch, sinn mer stolz e hinter de neije Staggeladäarne noogeloffe. E Bombe-Schtimmig, s isch fascht nit Anders z erwaarte: Loos goot s - d Fasnacht ka ändlig schtarre.

Drei Daäg Zyschtig isch mer derfe gnesse, au wenn drooo einigi n Isolation hänn miesse. 72 Stund Fasnacht ändlig derfe mer wider uff d Gasse. Kei Schtress, kei Heggtr, mer nämme s glasse. Ganz viel Höpfigg in dere seer begränzte Zyt, doch bletzigl merscht dr Ändschrach isch nimn wyt. Ehb dr Rhyssprung in Viererreihe duruf oder e Rundi z Mitzt im Fasnachtspuuff: Dankbarkeit isch daas, wo me yberall ka feschstelle. Jä es isch Fasnacht, daas hämmer welle!!! Noo drey Daäg isch dr Zauber bereits verby, doch si isch unser Jubeljoor, die näggschte Höpfiggtr kemme scho gly. Wär weiss, waas no alles tolls wird koo... Sans Gène duet dy Fyrr und dy FLAMME wyter brenne loo.

My Fazit 2022 liggt fascht scho uf dr Hand: ändlig wider Fasnacht, ändlig wider mitenand!! Näggscht Fasnacht styge mer noomool e Stenge hecher, unseri 100schti Fasnacht kunnt als wie necher. E riise Dank de velle Häuftr fir d Arbet und fir d Mieh. Do due n y gäärn my Huet drovor zieh... Doch fertig Gschnuur, s'längt für das Joor. Fir s kommende nämme mer is numme s Beschte voor. Doch zerscht dien mer noomool in d Rundi stoo. Doch leent d Fasnacht '22 noomool durch is duurego. Ai letschti Aasaag, bevor de heimzue laufsch oder heimzue fahrtsch: Achtig Wettstai, vorwärts Marsch!!!